

論古人之印食官財名義

正官

偏官

正財

偏財

印綬

側食

雜氣

附論

傷官

食神

陽刃

建祿

三命通會

卷五

論古人立印食官財名義

徐子平論格局。獨以印食官財四者為綱。其立名之義何。蓋造化流行天地間。不過會陽為陰陽各從其類。故甲喜壬用。不過生尅制化而已。今指甲乙為例。以日干論甲乙。在五行屬木。甲陽而乙陰也。以丙能制庚煞。而甲始得安其身。生我者壬癸水。我生者丙丁火。尅我者庚辛金。我尅者戊己土。而十干盡之矣。生我尅己。乙尅戊。是陰尅陽。陽尅陰。陰也。受也。譬父母有恩德。陰庇子孫。子孫得受其福。朝廷設官分職。界以印綬使之佐貳。職有不同。甲見己為正妻。見母何所怙恃。其理通一無二。故曰印綬。我生者有子孫之義。故立名食神。食者如蟲怕劫。被劫則分。印怕財。貪財則壞。人得食則益。被食則損。造化以子成而致養。即人子致養父母之道也。故曰食神。尅生尅。皆子為父母復讐之義。故甲煞官者官也。煞者害也。朝廷以官與人。此身屬之公家。任其驅使。赴湯蹈火。不敢有尅制之。庚辛生壬癸為子。庚辛畏凡人夢棺則得官。亦是此義。故曰官煞。我尅者是人受制於我之義。故立名妻財。如亦同。雖動靜不同。方圓有異。而生妻財。是四者術家立名之大義。然生近乎身。尅隔乎位。造化喜生惡煞。乃自然之理也。中間陰陽從類。陰陽配合各有至理存焉。生我我生。如壬生甲。癸生乙。甲食丙。乙食丁。是陰生陰。陽生陽。陰食陰。陽食陽。為陰陽各從其類。故甲喜壬。生死木滋死水中。則多年不壞。不喜癸。生死木被雨水淋漓。不踰年則朽。甲喜食丙。以丙能制庚煞。而甲始得安其身。不喜食丁。以丁能傷官。而甲不得成其材。此其義也。尅我我尅。如辛尅甲。庚尅乙。甲尅己。乙尅戊。是陰尅陽。陽尅陰。陰匹陽。陽匹陰。乃陰陽配合之理。故甲見辛為正官。見庚為偏官。官喜正。不喜偏。掌申佐貳。職有不同。甲見己為正妻。見戊為偏妻。妻貴正。不貴偏。敵體侍立。分則有別。此其理也。至若官怕傷。被傷則禍。財怕劫。被劫則分。印怕財。貪財則壞。食怕梟。逢梟則奪。其理與人事無二。學者明於人事。斯可以言造化矣。夫五行展轉生尅。皆子為父母復讐之義。故甲乙生丙丁為子。甲乙畏庚辛。賴丙丁尅制之。戊己生庚辛為子。戊己畏甲乙。賴庚辛尅制之。庚辛生壬癸為子。庚辛畏丙丁。賴壬癸尅制之。壬癸生甲乙為子。壬癸畏戊己。賴甲乙尅制之。地支十二。其理亦同。雖動靜不同。方圓有異。而生尅一也。試言之。北方亥子水。生東方寅卯木。東方寅卯木。生南方巳午火。上寄旺於火。生西方申酉金。西方申酉金。生北方亥子水。然亥子間丑一位。而後接寅卯。寅卯間辰一位。而後接巳午。巳午間未一位。而後接申酉。申酉間戌一位。

而後接亥子上立四維。五行相賴。故己酉合丑為金局。申子合辰為水局。亥卯合未為木局。寅午合戌為火局。金生水。水生木。木生火。火生土。土生金。相生而無間也。丑為金庫。生亥子而剋寅卯。辰為水庫。生寅卯而剋己午。未為木庫。生巳午而受金剋。戌為火庫。剋申酉而受水制。東南主生。西北主殺。此天地之大機也。且辰戌丑未。莫安四維。金木水火。咸賴之以生。藏易曰。成言乎艮。終言乎坤。此土之功用。在五行為尤大也。合于支而總言之。甲生亥死午。乙生午死亥。就祿於寅卯。是甲乙寅卯同也。丙生寅死酉。丁生酉死寅。就祿於己午。是丙丁己午同也。庚生巳死子。辛生子死巳。就祿於申酉。是庚辛申酉同也。壬生申死卯。癸生卯死申。就祿於亥子。是壬癸亥子同也。戊生寅死酉。己生酉死寅。就祿於巳午。與火同位。子隨母旺之義。而辰戌丑未。乃其正位也。由是天干地支。相合配偶。生剋制化。旺相休凶。其名為印。為梟。為食。為傷。為官。為煞。為財。為劫。刑衝破害。虛邀暗合。而變化無窮矣。徐子平識破此理。故只論財官印食。分為六格。而人命之富貴貧賤壽夭窮通。舉不外是。其餘格局。不過自此而推之耳。

論正官

喜身旺
忌身弱

印綬
偏官

食神
傷官

以財為引
刑衝

逢官看財
泄氣

貪合

入墓

一日正官
二日祿神

正官者。乃甲見辛。乙見庚之例。陰陽配合。相制有用。成其道也。故正官為六格之首。止許一位。多則不宜。正官先看月令。然後方看其餘。以五行之氣。惟月令當時為最。况四柱各官年限。年官十五。生之太早。時官五十。後失之太遲。故只此月令。為正餘格例。此甲日生酉月。乙生申巳。丙生子。丁生亥。戊生卯。己生寅。庚生午。辛生寅。己壬生午未。丑癸生辰巳。戌月。皆為正氣官星。更天干透出。如甲見辛酉。乙見庚申之例。謂之支藏干透。餘位不宜再見。又須日主健旺。得財印兩扶。柱中不見傷煞。行運引至官鄉。大富大貴命也。大忌刑衝破害。傷官七煞。貪合忘官。劫財分福。為破格。如甲生酉月。見卯為衝。酉為刑。午為破。戌為害。丙為合。乙為劫。丁為傷。剋庚為混雜。須是官星純一。五行和粹。方以正官論。若見前忌。柱中雖有物去之。亦不純粹。若官星結局。又有財官扶。非行身旺地不發。官止一二。無財有印。身弱無妨。若四柱皆歸背祿。宜推歲運。向背財官。旺地何如。若財官滿日。日主衰弱。不能自荷。徒勞無用。運至財煞旺鄉。多染癆瘵。但有七煞。行運復遇。便是徒流之命。又曰甲生酉月。辛金正祿。若見丁傷。支中無局。時引歸衰敗死絕之地。或有制合去之。衰絕之火。宜能傷其旺祿。若時引官星臨衰敗死絕之位。反引丁火歸生旺之鄉。或臨煞地。降官失職。禍生無疑。時

為歸息之地。吉凶全在時消息。曰主用神太盛宜時以節制之。曰主用神漸衰宜時以補助之。柱中雖有凶神時能節制亦不能禍。此看命之要法也。又曰甲生丑月內有辛金。又值酉時。已是重犯。若天干復透辛多。更行西方。力不勝任。變官為鬼。旺處必傾。多致災夭。須有合制方吉。若自才乘旺。如甲寅乙卯等日。更有印生助官星。雖多亦不為害。甲生戌月。雖生火庫。若不成局無黨。不能為害。以辛乃在戌。戌中有旺。戌生辛。如透庚。混雜。戌月無氣。更有制合。亦不為慮。又云凡用官日干。自坐財印。終顯。如甲子甲辰之類。自坐傷煞。終有節病。如甲午甲戌甲申之類。須斟酌。又曰取官星不必專泥月令支辰。或月干。或年日時。支干只一處。有不會損傷。皆可取用。故經云。明于有氣。明于取。明于無氣。暗中取。若明于無氣。引歸地支。或有助托。運行得地。亦不減月內官星之福。又曰凡論官星。喜見一位。食神坐實。便能損局。惟月令隱祿見食。却為三奇之貴。大要看官。食虛食何如。若官星坐實。合神坐實。隨官助貴。合神坐實。官星漸弱。官隨合神。謂之貪合忘官。又曰正官格。要行印鄉。即是逢官看印。柱中原有印。隨官印輕重。曰干強弱。以觀所行之運。身弱印輕。要補其印。身旺官輕。要補其官。行傷官運。即是背祿行身旺運。即是逐馬。珞珞云。背祿逐馬守窮途。而慎懼行熱運。即是然米混官。行基運。即是官星入基。經云。然官混雜不貧。則天旺煞投基。住壽難延。所以正官格。只喜向祿臨財。如此消詳。萬無一失。三命鈴云。凡祿命身三等官。各稟五行。率以其性推之。如以金為官。主職位清峻。多掌刑獄錢穀之任。決斷明徹。遇行年太歲在丑。為官庫。主喜。亦取旺相休囚。有氣無氣言之。若以木為官。主品性清高。和俗守慎。遇行年太歲在未。為官庫。以火為官。主官序文赫。為性猛烈。用刑慘酷。亦主發歇不常。遇行年太歲在戌。為官庫。以水為官。主職甲位下。級陞序進。謙和得眾。矜恤孤寡。亦有道性。遇行年太歲在辰。為官庫。以土為官。主官序穩當。難侵。厚重賢直。法令分明。遇行年太歲在辰。為官庫。凡五行之官。各隨其性。則吉。若失其性。則主為官不久。假令癸丑木命人。以土為祿官。木為命官。金為身官。皆以三命尊卑。五行休旺言之。祿命身三等官庫。如甲子金。甲為祿屬木。木破金。剋故為祿官。金墓丑。是為祿官庫也。命與身官庫。徹此西蜀。如命者云。凡人年月日時。四干迭相官印。足者主貴。歷觀大命。遇兩印者頗多。如呂吉甫。學士。子申乙酉。丁巳庚子。壬與己庚與丁為官。壬與庚己與丁為印。章子厚。相公。丁亥戊子。丁未壬寅。己卯胎。戊與乙壬與己丁與壬為官。乙與壬戌與丁為印。少遇兩官者。又須四貴。兼蓋土。遇正官者太貴。此亦一偏之見也。又云看官星有天官鄉。取月干制歲干。如六甲年。正月建丙寅。五月庚午。六月辛未。庚辛金能制甲。

木戊癸即袒帶而行。甲癸人在午未。乙丙人在辰巳。丁戊人在戌亥。辛壬人在申酉。若人遇之當貪天祿貴處朝倫有地。官鄉取月建制歲子。如歲子是甲乙屬木。七八月見申屬金。金能制木。甲乙人在申酉。丙丁人在亥子。戊己人在寅卯。庚辛人在巳午。壬癸人在辰戌丑未。若人遇之。主早承休陰。官序易陞。有真官鄉。取命前三辰月干。與命干合。如丙子人二月生為命。前三辰是辛卯丙與辛合。故丙子二月生人為真官中生之類。君子遇之。職居近侍。小人遇之。亦主富豪。如劉行素御史。丙子辛卯。丙子辛卯。正合此說。又云術者以甲見辛為官。不知真五行尅納音為真官。此最緊福神。于頭自見官而得合者為土。有諸神來朝者最佳。如甲寅生納音水。得己亥甲己為真土。是納音見真五行尅也。若不見太歲本干尅。但於日月時上見乙庚。亦是。若止見庚謂之偏官。比之全者減力。又不見乙庚。止見乙己丑乙酉。餘位中多見申不見申。止得三五分力。餘倣此。又如己酉己卯。見丁壬壬子。壬午見乙庚。雖納音見真五行尅為官。奈本干同受尅。故不作真官。而作真鬼。斷之大小運流年逢之。災尤重。此亦看官星者所當知。喜煞篇云。五行正官忌衝刑尅破之官。繼善篇云。登科及第官星臨無破之官。又云有官有印無破作顯顯之才。又云名標金榜。須要身旺逢官。身弱遇官得後徒然費力。五言云。有官要有印。無刑足可誇。不為金殿客。也作富豪家。通明賦云。真官時遇命強。早受金紫之封。經云。官貴太盛。繼臨旺處。必傾三命云。根元淺薄。遇官貴而不榮。身弱喜印。絞生身。比肩羊刃扶身。定真云。最貴者官星為命。日時得偏正財為福。又云。官星如遇劫財。雖官非貴。必訣云。罷職休官。只為官逢運合。又云。官星重見。只作煞推。再至官鄉。災非難免。若是太多制之為福。指迷賦云。日遇真官貴。則時加祿命。時日生遇官印。須憑有氣之鄉。若遇衝破空亡。此等遇而不遇。官印遇鬼。官印如無鬼旺鬼衰。詳且勝負。官刑命喜。其教命及刑官。官印受刑不戒。即吏官印明無暗。有比如玉帶。重重時日相逢。福德勝坐十倍。有官無印。難求清顯之名。有印無官。發不在迅速之內。淵源賦云。正官乃忠信尊重之名。治國肅象之號。四柱得天時地利。早登科甲。而封妻蔭子。咸運行官印之鄉。萬鼎千鍾。獲旌五馬。若是庸流。常指官事之授。如或女命。當膺呂號之封。女命如平賤中却貴。男命不遇單貴而致相心賦云。官星愷悌。貴氣軒見。抱優渥而仁慈寬大。懷訟達而聲韻和揚。丰安美而秀麗。性格敏而聰明。要訣云。正官為人。慳吝。萬謀賦云。官星者。榮身之主。掌祿之源。逢財則從容顯達。遇刃則偃蹇伶仃。喜印絞以為順意。忌偏黨以為傷神。所以功名特達者。身強官旺。利祿虧盈者。身弱官衰。身旺官微。財名寡合。傷官若重。再喜印滋。身輕忌臞。

如強偏愛印綬生制。古歌云。正氣官星用月支。喜逢財印到年時。破害衝空俱不犯。富貴雙全報爾知。又官星不可被刑衝。官煞同來吉變凶。化煞為官方是吉。化官為煞禍重重。又官星大抵要身強。身弱須求氣旺方。印綬兼行財旺地。無衝傷破是榮昌。又生月官星坐祿鄉。日辰生旺福無疆。有財有印無傷破。年少成名坐玉堂。又月逢正祿號真官。不犯刑傷祿最寬。日主興隆名利顯。運逢財印步金鑾。又印多官多為貴命。官旺身衰反為病。官多身旺化為財。財旺身衰貧病併。又正官大抵要純和。四柱無傷撥顯科。時上喜逢財健旺。柱中欣見印生多。提綱獨遇為真貴。年位重逢乃太多。別處若有愁來混。反為辛苦受奔波。合諸說觀正官喜忌見矣。

天福貴人

謂官星坐處見祿。如人有官得祿。莫非天福。甲生人以辛為官。辛祿在酉。是以甲人見酉。乙人見申之例。甲用辛官。柱有辛酉。更得福神助之。生旺有氣為佳。一名祿干福神。遇者主科名巍我。官職尊崇。多掌絲綸。文翰之美。

天官貴人

謂官星所居之地。出本句適見。如甲人以辛為官。星本句。適得辛未。乙人適得庚辰。丙人適得癸巳之例。十干官星坐天乙貴人。如甲人見辛未。丙見癸巳。謂之貴人。頭上戴官星。更得印綬祿貴全。見天元清秀。不反傷納音尤吉。有反傷衝尅。不順無氣。則天官惡而吉去矣。一名官貴堂格。

天元坐祿

經云。金若遇火。有重權。防禦刺史。如庚午庚寅庚戌辛巳辛未等日。水若遇土入官局。可沾侍郎祿。如壬午壬戌癸巳癸丑癸未等日。木若遇金主傷衰。化煞為權勢若雷。如甲申甲戌乙巳乙酉乙丑等日。火若遇水主兵權。為將鎮三邊。如丙申丙子丙辰丁亥丁丑等日。土若遇木為正祿。八座三台福。如戊寅戊辰己卯己未己亥等日。此即白虎持世等格。要日主與官貴利。停偏枯刑。不成造化。大忌刑衝破害。傷損貴氣。不成格矣。如庚午日。坐丁官。喜見甲乙財生官。戊己印生身。忌丙煞雜官。癸水傷官。子衝破午。餘干例推。又曰。日主自坐官星。不大忌衝。層執物在壬。無可奪之理。主為人伶俐好色。機變有謀。若只日下一位。行財官運方發。若生月帶祿。支坐財官。生時得地方。為真貴。壬午日。是祿馬同鄉。丁逢庚戌時。為妙。壬自坐祿。有庚辛制。是乙使壬得己土為官貴。逢戊辰日。辰申乙人為戊之官。春生貴。重秋生。

虛舉無祿。古歌曰：座下官星最奇。多因祖陰見根基。若要行往印鄉去。脫却青衣換紫衣。

歲德正官

取年上干支官。為歲德。喜忌與月令正官同論。遇此必生官族。或除襲祖父之職。若月居財官分野。運向財官旺地。日主健旺貴。無疑矣。凡年干遇官。福氣最重。發達必早。如癸酉庚申。丙子丙申。年上官星。柱中會官局歸祿。日下丙尅申酉金。為財官獲美。二丙身旺。十七八連行戊午。雖午衝子。申子會局衝不能動。日主併旺。及第早發。古歌云：年中正祿是根芽。必主生身富貴家。運氣喜逢身旺地。財生印助福無涯。又年上官星為歲德。喜逢財印旺身官。不逢七煞偏官位。富貴榮華莫與京。

時上正官

如甲日酉辛時。乙日申庚時。例時上官星。與月亦同。但力輕微。發福多在晚年。或生賢子。要有印助。月令通生旺官氣。及見財生。或行財官。印生旺運。方可發福。破傷不中。如辛未辛卯。庚戌壬午。時上正官。午戌會官局。卯未會木局。運至丁亥財局。三合全生。起丁官貴為學士。丙戌運官旺。祿位光華。雖見丙煞。有壬制辛合。不損貴氣。古歌云：正官有用不須多。多則傷身少則和。日旺再逢生印綬。定須平步擢高科。

向祿臨官

經云：向祿臨官格最稀。逢之官早拜丹墀。如戊戌己未。乙丑丁丑。坐下癸水。為印金庫為官。生於六月中。氣後土旺生金。運行西方乙木。向祿貴也。

官印祿煞俱全

經云：官印祿煞俱全。八座鈞衡之任。如戊申己未。壬子辛亥。壬坐子。自旺歸祿於亥。己為正官。坐未帶及。自旺。戊為七煞。坐申自生。亥為壬祿。秉辛受生。為壬正印。臨官居申。四者皆旺。為最貴造化。

真官真馬

經云：真官真馬。合月建。兩府官情顯。如甲見辛。己乙戌庚丙申癸之例。又名上下官印。又名十樣錦。主甲科。官居禁地。常人亦不至報辛。逐年太歲帶祿。在第三位。秀才請舉及第。常調改官兩府。古歌云：若人三處遇。食祿定封侯。

祿馬官印

經云命中祿馬併官印。福祿金珠堆。如戊申辛酉。癸丑丁巳。癸坐丑自旺。辛坐酉祿旺為印。時逢丁巳財官。又是天乙貴人。俱各有氣。故貴。

官印祿庫

經云。官中見祿庫逢財。金玉自天來。如甲乙逢乙丑。丙丁逢庚午。戊己逢壬辰。庚辛見乙未。壬癸逢丙戌。是也。一命丁丑辛亥癸酉壬戌癸卯。用丙為財。戊為財庫。用戌為官。戌中戊土正旺。財庫生助。酉為癸印。丑為印庫。財官印俱逢庫旺。無衝破。為貴。

相刑遇貴

經云。日時相刑得遇貴。執法有權勢。又云。寅刑巳。巳刑申。庚辛逢寅。是貴人。卯刑子。子刑卯。癸乙雙雙富。又清。未刑戌。戌刑未。甲戌逢辛貴自榮。不利文官。主武權。如劉應節尚書。癸未乙卯。丙戌戊子。子卯刑而得乙。癸未戌刑而得戊。所以官歷兵刑。縱有文名。不居學翰。又壬寅壬辰。丙申癸巳。丙日癸巳時。官星日祿刑入主中合格。

三合遇貴

經云。三合若是遇貴祿。平生多財穀。如乙巳乙丑。乙巳辛巳。乙為日主。用庚為貴。天干無庚。却己酉丑三合官局。故為三合。遇貴又名暗官格。

月時逢貴

經云。月逢貴地祿馬重加。少年及第。名播京華。如甲日遇酉戌月時。乙日遇申庚月時。及己酉丑日時。同犯者名重祿。要不在休凶之地。不逢刑衝傷害。方可用。

五官會聚

如甲乙人。遇庚辛申酉戌己丑。純官四柱。原有丙丁火制伏。則吉。或日主自旺。比劫相助。亦吉。如無制伏。再行金地。禍患不可勝言。一名聚鬼。又名天折煞。遇鬼有氣之月。君子主貴顯。常人天橫。無氣。君子反天折。常人作胥吏。

五行不雜

經云五行不相雜。為官必顯達。此格以生日為土時為分野。月為根苗。年為本身。各歸祿馬之地。不相刑害。如辛丑辛丑癸巳丁巳癸日為主。天干金水相生。地支二丑二巳皆金分野。癸日官旺。不相刑制。為貴。

金木間隔

經云木若逢金間隔。作兩府之官。木無金終不成器。如楊博尚書。巳巳庚午。乙卯庚辰。巳坐卯自旺。生於午得兩庚間隔成器。故貴極品。又庚申戊子。乙酉甲申。乙為日主無氣。取庚為官。旺於酉。乙庚化金。妻從夫化。成貴。月令子癸為印。申子合局。生木運行東南身旺之地。制煞之卿。故貴。又云木官不重。以木須要金而木適中。如兩木兩金氣相停不偏。尤貴。

水火既濟

經云火若遇水成既濟。兵權萬里。如辛巳辛丑丙子戊子。丙日臨子坐下正官。月時引旺。重逢奇儀。丙以癸為官。癸以戊為官。互換見官。丙合辛。財生官化。為真水。戊子時。戊合子中。癸化為真火。入水火既濟格。故貴。

金火相成

經云金無火制。器難成。如乙巳辛巳庚午辛巳。庚坐午入火鄉官貴之地。喜生四月。逢生天干二辛相比。地支巳午純火。金生火旺。兩各有氣。故貴。又云金見無偏。以金須要火而金相當。如兩火兩金。各居生旺。尤妙。

生成官星

如甲乙人得辛巳庚申辛酉壬癸人得戊申巳亥戊子之例。又名真官。須甲得辛。乙得庚。自然陽干配陰支。陰支合陽干。帝旺為上臨官。次之長生為下。若再遇驛馬。學堂。星天乙。不待歲運。自然奮書。反則無益。

交互官星

如甲申見乙酉。丙午見壬子。乙卯見戊申。庚午見壬午。丁巳見辛亥。癸亥見丁巳。彼此互見。若生旺得氣。壬貴顯。如范文正公。丙午巳亥戊子壬子是也。

虛夾官祿

如甲以辛為官。見癸酉為正官祿。遇壬申申戌夾之。乙以庚為官。見甲申為正官祿。遇癸未乙酉夾之。等例。遇者勝帶。

正官正祿

官星六合

如甲子見辛丑丁亥見壬寅之類。更在一句尤妙吉。歌云：官星六合少人知。貴在司中始是奇。生日生時如點入太師太傅佩旌旗。如癸京丁亥壬寅壬辰辛巳是也。

官下有官

如甲人見辛月丙日癸時之類。主官職崇高。名位清峻。官下食合。如甲人見辛為官。辛食癸。丙與辛合。在月日時之類。主為官有貼職。常人有兼墊。

真官催官

如己丑得甲寅。辛丑得丙寅命前一辰之類。為真官。不貴即富。如庚辰見乙卯。戊子見癸丑。自下而上。名催官之類。主功名發越。

官煞會基

如甲乙人見辛丑。丙丁人壬辰。戊己人乙未。庚辛人丙戌。壬癸人戊辰。以官煞居基地。君子三科甲。武人戰功。常人藝業出俗。

三台拱帝座

專論納音。如水人得甲寅。又得己亥日時。甲寅水見甲己土。乃是真官。甲真土。復見己亥木。又為官甲。貴在丑己。貴在子在六合之間。故名。如不犯凶神惡煞衝破。則官入三台。有則減落。斷之。庚寅生見乙亥。亦是以上。俱官星分出。

論偏官

喜身旺 印綬 合煞 食制 羊外 忌身弱 財星 正官 刑衝 入墓 比肩 逢煞者印及外 以食為引

偏官者乃甲見庚乙見辛之例。猶二男不同處。二女不同居。不成配偶。故謂之偏。以其隔七位而相尅戰。故又謂之七

煞。譬小人多凶暴。無忌憚。若無禮法投制之。不懲不戒。必傷其主。故有制謂之偏官。無制謂之七煞。如日主健旺。有印綬助化。即經云：煞見印而顯。煞助印生。有財星生扶。即經云：逢煞者財。如身強煞弱。有財星則吉。身弱煞強。有財引鬼盜氣。非貧財。天有食神透制。即經云：一見制伏。却為貴。本有羊及配合。即經云：煞無及不顯。逢煞者及是也。以上諸制

合生化。須要無太過不及。是借小人勢力。衛護君子。以成威權。乃大權大貴之命。又性格聰明。忌日主衰弱。七煞重逢。三刑六害。劫亡相併。避置相衝。其凶不可具述。若七煞止一。而制伏有二三處。喜行煞旺地。消運再遇制伏。則盡法無民。雖猛如虎狼。亦不能逞其技矣。是又不可專言制伏。要輕重得所。故經云。元有制伏。煞出為福。原無制伏。煞出為禍。此之謂也。假如甲見庚及申。乙見辛及酉。柱中煞旺有氣。宜行東南方運。制庚辛無氣方發。否則生寅卯月。或自坐長生。臨官帝旺。更多帶比肩。同類相扶。則能化鬼為官。化煞為權。行運引至印鄉。必發富貴。倘歲運再遇煞地。禍不旋踵。假令甲寅生人。為身旺。歲月見庚申為煞。旺柱中不透火。制地支子辰會印成局。則煞生印。印生身。作權貴者。年午露煞。與月令時支不同。太歲乃一生之主。最重。如甲見庚年。乙見辛年。又生申酉月。柱中金多。大運再行金鄉。流年歲君並見。為凶尤甚。若生寅午戌。及木旺之月。火制身強。金絕不能為害。則吉。經云。甲逢庚辰。凋零。枝葉根枯。乙遇辛。傷消之本。根苗損。炎炎丙火。遇壬而黑。焰無光。燥燥丁紅。見癸而燄光自滅。戊臨甲位。須防轉福為殃。己坐乙鄉。自是祿元有損。庚遭丙戰。勢自傾危。甲被丁傷。尅伐為害。壬逢戊土。寡濫難通。癸就己鄉。奔波難保。子祿生旺。可以扶持。惟喜及來自能合制。又云。五行遇月支偏官。只許地支一位。多則不佳。四柱純煞。有制。定居一品之尊。畧見一位正官。官煞混雜。反賤。四柱煞旺。運終身旺。為官清貴。又云。身煞俱旺。無制伏。又行煞旺。運雖貴不久。又云。柱中七煞全彰。身弱極貧。無壽。繼善篇云。非天即貧。必是身衰。遇見。又云。身強煞淺。假煞為權。煞重身輕。終身有損。獨步云。格格推詳。以煞為重。制煞為推。何愁損用。七煞制伏。旺中取貴。元犯見輕。制却為非。通明賦云。月中遇煞。命元強。黑頭將相。又云。七煞多根。須忌始終尅害。財為七煞之根。定真云。七煞如逢財助。其煞愈凶。又云。乃為兵器。無煞難存。煞為軍令。無及不尊。及煞兩顯。威鎮乾坤。元理賦云。當權者。用煞而不用印。又云。受職憲台之陰。偏官得地。又云。偏官之格。喜傷官。而怡身強。又云。食神制煞。逢最不貧。則天幽玄賦云。七煞佩印。足為烏臺之論。四言云。煞不離印。印不離煞。煞印相生。功名顯達。妙選賦云。煞為武藝。印為文華。有煞無印。久文衫。有印無煞。久威風。絕妙煞印。雙金。宜其文武兩備。玄機賦云。身強煞淺。煞運無妨。煞重身輕。制鄉為福。玉樞云。七煞咸池。揚貴妃身死於馬。幽玄賦云。七煞遊長生之位。女招貴夫。絡繹賦云。煞臨子位。必招悖逆之兒。千里馬云。七煞有制。亦多見。相心賦云。偏官七煞。執壓三公。喜酒色。而偏爭好。聞愛軒昂。而扶弱。欺強。性情如虎。急躁如風。定真賦云。最凶者七煞臨身。日時通二德。為祥。要訣云。偏官或持劍鋒。海外威服。

又云以煞化權定顯寒門貴客古歌云偏官不可例言凶有制還他衣綠豈干上食神支帶合兒孫滿眼受褒封又身逢七煞是提綱只為子亥六受傷正祿交差刑煞入終身不免受凶殃又七煞提綱本是愁只因馴服喜無憂平生正直無邪曲職位當封萬戶侯又月位偏官本煞神有制還居一品尊假若自身榮貴現也須為福及兒孫又月支偏官最忌衝傷官羊及喜相逢日干旺相皆為貴制伏無過百事通又偏官有制化為權英俊文章發少年身旺定登台諫客即助扶官累受宣又若逢七煞化為權武職功名奏九天厥鎮邊疆功蓋世從猿雲擁盡揚鞭又煞神原有制神傷制伏身強祿位昌如見制伏先有損返將富貴變災殃又傷官七煞命中嫌制伏調和可作權日弱又無制伏者兢兢如抱虎而眠又身弱煞強無制神多生灾禍不堪論那堪更入官強地耽疾遭刑喪此身又偏官制伏太過時貧儒生此更何疑常時若遇財旺地煞星醒發權威又甲乙重煞露庚辛月中水木喜加臨運行木火與名利水運行來怕火金又丙丁五月重逢煞木火未臨大有功金水運行身有禍子未衝破最為凶又六乙生逢己酉且局中却忌財星守忽然行運到金鄉官取平生壽不久又庚日全逢寅午戌天干透土始為祥重重火旺聲名顯命理休因忌水鄉又六丙午人亥子多煞星歸印反中和東方行運功名顯運至西方事轉磨又陰水多逢己字傷煞星須要木來降縱然名利能高顯只恐平生壽不長又土逢卯位三合全不忌當生金水纏火本旺鄉名利顯再行坤坎禍綿綿又寅月重逢寅午戌庚辛為主要安排無根有土偏宜火主旺無根怕水來又乙干提且支全合煞旺身強格局高金水行來名利厚土鄉火地失堅牢又甲乙若逢申喜印暗相生水旺金也旺官祀必掛身又甲乙生寅月金多反吉昌不宜重見水水土是衣糧又乙木生居酉莫逢全己丑富貴坎離宮貧窮坤兌守合諸說觀偏官喜忌觀矣

天元坐煞

謂甲申乙酉等日如乙丑日丑中自坐辛金為煞喜生春夏乙木健旺煞自有制不喜明見丙丁生秋月凋零坐下藏見煞不為害凡值此等日要日干倚旺再無官煞復尅喜印化煞財旺身旺為福如煞旺有傷官右制亦貴如無助化再行煞旺或再見煞尅為人必面目瘡痕侏儒跛躄駢指瘤贅好貪猛暴拚強不憚累犯憲章尅重多无合格多為武貴若身臨生旺同類印綬助身有制中和亦主文貴但為人心多性急陰險懷毒僭偽謀害不近人情

時上一位貴

喜忌篇云。若乃時逢七煞見之。未必為凶。月制子強。具煞反為權印。經云。時上偏官身要強。陽及衝刑煞敢當。制多要行煞旺運。煞多制少必為殃。蓋時上制官。要干上透出。只一位為妙。年月日重見。反主辛苦勞碌。若身旺煞制太過。喜行煞旺運。或三合煞運。如無制伏。要行制伏運。方發。但忌身弱。縱得運扶持發福。運過依舊不濟。又曰。時上偏官。不怕衝及。為人性重剛直。不屈煞。無根要坐旺宮。如庚申乙卯之類。有根不宜。財者煞之根。若一位七煞。却有兩三重制伏。縱文如李杜。終難顯達。經云。偏官時遇。制伏太過。乃是貧儒。獨步云。時煞無根。煞旺最貴。時煞多根。煞旺不利。通明賦云。時上偏官。通月氣。主旺膺揚。驚神賦云。時上偏官。有制。晚子英奇。獨步云。時上一位貴。歲在支中。是日主要旺。強名利方有氣。古歌云。時上偏官喜及衝。身強制伏祿豐隆。正官若也來相混。身弱財多主困窮。又時上偏官。不怕衝。喜逢羊及不為凶。無衝有制為真貴。輔佐山河掌握中。又時上偏官一位強。日辰自旺喜非常。有財有印多財祿。定是天生作棟樑。又時逢七煞是偏官。有制身強好命看。制過喜行煞旺運。三合得地發何難。又主逢七煞在時中。定作邊臣立大功。制禦帶合無忌破。兵權赫奕鎮威風。又原無制伏運。須見不怕刑衝多煞攢。若是身衰惟煞旺。定知此命是貧寒。又時逢七煞本無兒。此理人間仔細推。歲月時中如有制。定知有子貴而遲。

年上七煞

經曰。年逢貴氣。不用制伏。喜日主健旺。羊及相合。柱中帶財。更行財運。發福清秀。最忌身衰。蓋七煞乃小人之象。既居祖宗之位。如朝廷老臣。祖父老僕。日主健旺。老僕則盡力以事幼主。日主衰弱。不能與小人為主。何肯盡力事之。反成害己之物。年于見此。必主出身寒微。四柱行運有情。主寒賤生貴子。若煞旺身衰。衝刑太過。必主貧窘。至重者帶疾遭刑。又曰。歲煞一位不宜制。四柱重見却宜制。日主煞旺。制伏畧多。喜行煞旺地。制伏太過。或煞旺身衰。官煞混雜。歲運如之。碌碌之輩。若制伏不及。運至身衰煞旺鄉。必生禍患一命。戊戌庚申。壬午癸卯。戊與癸合。卯與戌合。壬坐午支。財言俱備為貴。古歌云。歲德壬來見戌年。財旺身強祿自然。更得運行財旺地。為人聰慧又忠賢。又年于七煞。莫言凶。制令為權最有功。若得身強無忌破。此身多入禁庭中。又歲傷日子不和同。須要干支制伏重。煞旺喜行身旺地。初年難免一場凶。

棄命從煞

獨步云。棄命從煞。須要會煞從財。忌煞從喜。財會逢根氣。命損無猜。蓋言從煞格。以煞神太重。身無所歸。不得已從之。要行煞旺。及財鄉四柱。無一點比肩印綬方論。如遇運扶身旺。與煞為敵。從煞不專。故為禍患。經云。棄命從煞論剛柔。言棄天干從地支。隨五行性情。陰干從地支。煞純者多貴。以陰柔能從物也。陽干從地支。煞純者亦貴。但次於陰。以陽干不受制也。水火金土。皆從。惟陽木不能從。死木受斧斤。反遭其傷故也。幽玄云。身太弱。煞太重。聲名遍野。元理賦云。平生為富且貴。皆因煞重身柔。中途或喪或危。只為運扶干旺。又曰。鬼多無鬼。反不為凶。右歌曰。五陽坐日全逢煞。棄命相從壽不堅。如是五陰逢此地。自衰煞旺吉堪言。又西方金位坐臨柔。不怕休來不怕囚。鬼煞旺生多發福。功名催促士瀛洲。

旺煞歸庫

乃六乙日。見辛丑時。六辛日。見戊戌時。即時上一位貴。以煞坐庫。故另立名。古詩曰。庫內偏官名庫煞。刑衝破害最為奇。運行制伏兼身旺。便是功名在發時。

官藏煞顯

如甲生己酉丑月。天干透庚生申月歲時。辛金坐實多透。二者不拘藏見。但無氣的便不用。如用官。不宜行煞運。用煞不宜行官鄉。要身旺。喜忌篇云。官藏官顯身弱。豈得成名。煞顯官藏有制。自能顯達。灾福與官煞格同。古歌曰。露煞藏官只論煞。露官藏煞只論官。身強遇此多為貴。身弱逢之禍百端。

官煞混雜

人命官煞俱有。謂之混雜。只取財印為用。柱元有。則運行財殺。大要身強勝任。其財方可。身弱官煞混多。天貧。身旺有制。亦好無制。成印局化煞亦可。詩曰。官煞交加用命推。箇中消息要詳之。得時身旺分輕重。貴賤分明辨別知。如壬辰丙午丙辰癸巳。身煞俱旺。官從戊化。德秀魚備。丁亥壬子。丁未癸卯。丁從壬化。亥卯未會局。水木清奇。甲午己巳。辛酉甲午。辛日己丙為官。二午丁為煞。喜旺專祿。己酉會局勝煞。雖無制伏。初行西方身益旺。故貴。觀三命不可以混雜為

賤論

會煞化印

乃支辰會合煞局。如甲日見申子辰之類。最喜柱有印綬。隱顯無傷為妙。大運最怕與流年相會。旺財傷印凶危。如柱中元有尅印之神。歲運更逢財星併尅。必遭凶暴死。如甲辰日生子月。見申時。會起庚煞化印貴。至一品運行丁未歲。在庚戌衝起日下辰土聚財。壞印煞無化。戌年為事。辛亥年受刑。詩曰。會煞為權福最多。支辰合印致中和。日逢尅印臨年運。刑戮傷身可奈何。

專煞無制

經云。身強煞淺。假煞為權。煞重身輕。終身有損。煞旺相助無制伏。日主坐旺引身旺鄉。為專七煞當權。必當驟發。倘身旺運過歲運。遇刑衝制伏之位。平安。忌見煞旺運。專煞最怕見及。柱元帶及。歲運再遇。苟非惡疾。必主橫死。詩曰。煞旺無制引身旺。為煞專權富貴人。日主煞年傷不足。臧官露煞起火逆。

專祿要制

此格六庚日見巳時。庚金長生之地。內有丙戊二祿。戊生庚丙為庚煞柱。要壬癸制內。當為武帥持權。若逢煞運不吉。詩曰。專祿庚來就已位。也須制伏始為奇。武職當權為帥座。忽逢七煞禍未時。

官煞去留並官鬼互變雜論

喜忌篇云。煞官混雜類。有去官留煞。亦有去煞留官。蓋言柱中官星七煞交差。月上見官。時上見煞。或月上見煞。時上見官。或四柱叠見有物。去官留煞者。即以偏官論。有物去煞留官者。即以正官論。凡有去留。要詳柱中官煞孰重孰輕。天干透者。易去月支所藏者難去。酒傷官食神。去官煞之物。眾而有力。方纔去得。五陽日食神。能去煞。又能留官。五陽日傷官。但能去官。不能留煞。必湏得羊及合。方成去官留煞。假如甲日生人。甲以辛為官。庚為煞。若官重煞輕。得丙食一位。尅去庚金。與辛相合。此謂去煞留官。有情而貴。若煞重官輕。得丁火傷官。尅去辛金。再得乙木羊及。與庚相合。此謂去官留煞。有情而貴。五陰日食神。能去煞。却不能留官。日主自能留之。五陰日傷官。能去官。又能留煞。假如乙日生人。以庚為官。辛為煞。若官重煞輕。得丁食一位。尅去辛煞。則乙與庚合。此謂去煞留官。有情而貴。若煞重官輕。得丙火傷官。尅去庚金。來合辛金。此謂去官留煞。有情而貴。元理賦云。去煞留官當論貴。去官留煞未感權。又曰。官星七煞交差。却有合煞為貴。此之謂也。合煞有二義。有合去合來。是去官留煞。合去是去煞留官。假令六甲生人。透辛正

官。又透庚七煞是官煞交差。柱中却有乙木合庚七煞。有丁火尅辛官星。此是去官留煞。假令六巳生人。透出甲正官。又透乙七煞。是官煞交差。柱中却有庚尅甲正官。未合乙七煞。是去官留煞。上是羊刃合煞。此是傷官合煞。又如甲以辛酉為官。庚申為煞。若甲申日。以申為煞。又有酉為官祿。申乃水長生之地。煞化印生助甲木。柱中雖有酉金。却有午丁字傷尅。去官留煞。值此主平生心志巧妙。不受福德。不信任他人。常勞役自己。又如六庚生人。杜透丙煞。又透丁官。是官煞交差。若柱有壬尅丙。又未合丁。是去煞留官。賦云。合官星不為貴。合七煞不為凶。蓋言合官是柱中閑神。合去官星。所以不為貴。合煞是柱中閑神。與七煞合。所以合官忘貴。合煞忘賤。若日主壬支與官煞合。則為合官為貴。合煞為賤。書云。明煞合去五行。和氣春風。暗煞合來四柱。刑傷害己是也。若不分別。日主與閑神。何以有合來合去之辨。蓋合去之法。如年月相合。去之不論。月時相合。亦去。日與年合。不可去。以日與年為要。餘作閑神論也。經曰。官煞兩停。喜者存之。憎者去之。蓋言柱中正官七煞兩均相停。有物生扶會和者。其力專。宜存而留之。有物破損傷害者。其力散。宜棄而去之。官星有生扶。煞星有破害。則去煞留官。反是。則去官留煞。若兩停俱無扶合。而有破害。當斟酌柱中有力一字為用神。若是吉神。則以吉論。若兩停俱有扶合。而無破害。即是官煞混雜。反為貧賤。又曰。年月日時。或有四位官。四位煞。當以明者用之。藏者捨之。明見官則存其官。明見煞則存其煞。宜仔細分別。若兩停無輕重。察其生助向時者用之。背時無助者棄之。去留不清。乃為混雜。如甲生七月上旬。為煞得令。縱有丙火。亦不能去。又曰。去留二格。最宜身旺。若身果旺。雖無物去煞。亦能化煞為官。如甲見庚為煞。甲坐寅祿旺。甲木自抱火氣。制煞不須再見丙丁。如甲生秋令。却要丙丁制之。極原無制。運到制地方發。又如丙日畏壬。丙坐巳午。或丙下托土。則壬不能為害。丙化煞為官。須行身旺運可。又曰。地支天干合多。亦云貪合忘官。蓋言日上天元地支人元。與當生歲月時甲支干。明暗重重相合。有情貪戀合神。雖有官星。則財來盜氣。官來尅身。反為不利。官將不成。財將不遂。故曰。貪合忘官。太抵凶神。有物合去。則反凶為吉。吉神有物合去。則反吉為凶。吉凶神煞。首局中喜忌何神。不可執一論。與旨賦云。陽日食神。暗合官星。陰日食神。竊侵印綬。觀此則知四柱無官印。則喜食神。有官印則忌食神。又曰。貪合忘煞忘官。如六癸生人。干頭透出巳字為煞。再透甲字。是已家合神。合去巳字。不為官星。此謂貪合忘煞。如庚申甲申。甲子乙亥。年上庚字傷甲。得亥上乙字合庚去煞。奈月令又有申不清。二申煞重。不能盡合。所以只為吏命。又如六壬生人。干頭透巳字為官。再見甲透。是已家合

神合去。巳字不為官星。此謂貪合忘官。如辛丑丙申。甲戌己巳。甲日透出辛字。正是官星。奈因丙火合去。所以發貴不清。訣云。壬水相逢陽土時。心懷忿怒起爭非。忽然癸水來相助。合住凶頑不見威。此貪合忘煞例。又云。壬逢己土欲為官。暮被青陽起訟端。青陽見木引誘合將真貴去。致令受挫萬千般。此貪合忘官例。又曰。貪合不但忘官煞。忘卯忘食亦可憐。格中惟有忘煞貴。官煞俱去不成權。又去煞留官仔細詳。貪神爵位要高強。不逢偏印來傷用。財旺生官大吉昌。又去煞留官造化奇。個中消息有誰知。有情尅合多榮貴。月桂高攀第一枝。又官煞相連只是煞。官煞各分為混雜。貪神重犯作傷官。叠見官星又論煞。又局中官煞兩頭窺。羊及重重或助之。八字純陽偏印重位。高身顯佐明時精。紀云。凡命鬼多。而主本却在有氣之地。其鬼化官。若主本無氣。官有氣。即官化鬼。季主云。旺近逢鬼。鬼化官。衰近逢官。官化鬼。如丁於真五行屬木。凡丁人見乙與庚為鬼。若丁亥丁卯丁未人見之。不為鬼。若亥卯未全。見三丁足者尤好。蓋亥卯未木之正位。而又得三丁木。盛氣旺全。要庚金尅制之。又如丁巳丁酉丁丑人。生居金之正位。木弱金強。更見乙庚多。皆不為鬼。取其與納音皆比和故也。辛酉辛丑見甲己巳己亥見丁壬乙己乙亥見戊癸。皆倣此推。天元變化書。有反鬼作官。如丁未甲辰。癸丑癸亥。兩鬼反為生氣。滋助甲木。既甲木旺。則丁亦旺。又納音從下生至火。既火旺。水人得財感。上下皆有用矣。尺璧云。凡尅干者。不得地干。却得地者。多見化為官。變官為鬼。如丙戌納音。火見丙午。水為真官。若得丙申辛酉。或辛未辛丑。皆好。若得辛卯。孫甲羊及變官為鬼。若別有福神救助。則為右職無氣。胥吏之輩。如壬申人納音。是成器之金。見火則壞。故壬申人見戊癸者。乃變官為鬼。又壬屬木。木至申為絕。絕木絕得火。則灰飛煙滅。此為尤凶。若癸酉雖是成器之金。然本于白帶癸之官。故不為鬼。見戊尤好。當消息之。

論正財

喜身旺 甲戌 食神 逢財看官 以食為引
忌身弱 比肩 羊劫 空絕
一日財星 二曰天馬星
三日惟官星 四曰壯志神

正財者。乃甲見己乙見戊之例。受我尅制為我之妻。譬人娶妻。妻齋財嫁我。我必精神康強。而後可享用。若衰微不振。雖妻財豐厚。但能目視。終不得用。故財要得時來旺。不偏正混亂。不重疊多見。自家日主有力。皆能發福。若財多身弱。柱無印助。財少身強。柱有比劫。太過不及。皆不為福。經云。傷妻叠疊。財輕身旺。則身多。又云。財多身弱。反為富屋貧人。